

'ի կեսարիա և անտի 'ի կոստանդինուպօլիս ('ի 25 Մայիսի), և 'ի ճանապարհին խօսեցաւ Եղիա Գրիգորի բազում ինչ, քամահրեւով և բասրեւով զանհմուտ և զանխոհեմ կառավարութիւնս Գարրիէլ Պատրիարքի, միշտ արդարացուցանելով զինքն, և նորա դուրով անտեղեակ բարուց եւ բնաւորութեան նորին, զորմէ գրեալ էր Գարրիէլ Պատրիարք առ աղքայինս կոստանդինուպօլսոյ, փոքու իմն հաւանէր բանից նորա, և 'ի հասանիլ 'ի մայրաքաղաքն Գրիգոր Գալֆա մեղադրէր զՊատրիարքն, եւ Եղիա չարախօս լինէր զնմանէ առ Ամիրայս, և Պօղոս Պատրիարք առաքեաց զնա 'ի վանս Իւսկիւտարու հանդարտիլ անդ ժամանակս ինչ և ապրիլ ծախիւք իւրովք:

Յովհաննէս վարդապետ Զմիւռնացի հիւրընկալ, զինի տօնի Պասեքին բազմութեամբ ուխտաւորաց մեկնեցաւ 'ի Յոպպէ քաղաքէ ('ի 27 Ապրիլի) եւ նաւեալ անտի հասին անփնաս 'ի կղզին Հոռոս, և արգելան անդ աւուրս 40. զի ապստամբեալ էին Յոյնք, և էր խռովութիւն եւ երկիւղ մեծ 'ի ծովու. 'ի սպառիլ դրամոց և 'ի կարօտիլ ամենեցուն ծախուց եւ պարենից, էառ Յովհաննէս վարդապետ մուրհակու յայլաղզի Իպրահիմ անուն նաւապետէ 11,000 դահեկան, եւ բաժանեաց ուխտաւորաց ըստ իւրաքանչիւր պիտոյից. եւ մեկնեալ անտի գտին ճանապարհ 'ի ցամաքէ արք իբրեւ 400 հասին խաղաղութեամբ 'ի կոստանդինուպօլիս: Իսկ Յովհաննէս վարդապետ նախքան զմեկնիլ իւր անտի՝ ետ գրեռինս վանաց և զ40 ուխտաւորս 'ի նաւ ինչ Աւստրիոյ, և 'ի մեկնիլ անտի նաւապետին զինի աւուրց հասին 'ի վերայ նորա ծովասպատակք Յունաց, առին զնաւն և կողոպտեցին որ ինչ 'ի նմա, եւ գերի վարեցին զարս 16 յաղգէ Հայոց 'ի Չամլճայ կղզին. և ետուն գիր ինչ 'ի ձեռս նաւապետին եւ արձակեցին: Ի հասանիլ նորա 'ի կոստանդինուպօլիս, բողք բարձին Հայք առ Տէրութիւնն և առ Դեսպանն Աւստրիոյ և խընդորէին 'ի նմանէ զինչս և զարս. և 'ի բազմանալ բանից եւ վիճմանց յանձն առ Դեսպանն բերել զայնս, եւ խնդրեաց 'ի նոցանէ զտուժար ընչից և արանց. և նոքա ետուն՝ որ էր 88,072 դահեկան. գրեաց առ Հիւսպատոսն Զմիւռնիոյ զըտանեւ զնաւն կորուսեալ. զայս գիր առեալ Հայոց հրա-